



Til:

Anna Wangenheim, Demokraatit  
Inatsisartunut ilaasortaq

### § 37 naapertorlugu apeqquteqaammut nr. 76/2022-mut akissut

02-06-2022  
Suliap nr. 2022 - 11328  
Dok. nr. 20205091

Inatsisartut Suleriaasianni § 37 imm. 1 naapertorlugu apeqquteqaat, Inatsisartunut ilaasortap Anna Wangenheimip, Demokraatineersup saqqummiussaa, Naalakkersuisut ulloq 29. marts 2022 tiguaat.

Postboks 1015  
3900 Nuuk

Tlf. (+299) 34 50 00

Fax (+299) 32 50 02

E-mail: govsec@nanoq.gl

www.naalakkersuisut.gl

Akissuteqaatit apeqqutit kingornanniipput.

*1. Naalakkersuisut Siulittaasuata Naalakkersuisunut ilaasortanut erseqqissaatiginiarnerpaa, paasissutissat, Naalakkersuisunut ilaasortat ataatsimiititalianut pissariarerusutatik, ataatsimiititaliamut piniarneqartassanersut, ataatsimiititaliap siulittaasuanut, ataatsimiititalianilu ilaasortanut ataasiakkaanut ingerlatinnagit?*

#### **AKISSUT:**

Naalakkersuisut Siulittaasuata Naalakkersuisut Siulittaasuata Naalakkersuisoqarfia peqquaa Naalakkersuisoqarfinni pisortaanernut tamaginnut nalunaarummik nassiusseqqullugu, tassani eqqaasitsissutigineqassalluni paasissutissat il.il. ataatsimiititaliamut ingerlasussat ataatsimiititaliamut ingerlatinneqartassasut, aammalu ataatsimiititaliap siulittaasuanut imaluunniit ataatsimiititaliami ilaasortanut ataasiakkaaginnarnut ingerlatinneqartassanngitsut. Taamaattoq najoqqutassat isertuussassat taamaallaat ataatsimiititaliap allattaanut nassiunneqartassapput, taassuma ataatsimiititaliami ilaasortanut ingerlateqqittassallugit. Nalunaarummi Inatsisartut nittartagaanni malittarisassat innersuunneqassapput.

*2. Naalakkersuisut Siulittaasuata Naalakkersuisunut ilaasortanut erseqqissaatiginiarnerpaa, paasissutissat, Naalakkersuisunut ilaasortat ataatsimiititalianut pissariarerusutatik, ataatsimiititaliamut piniarneqartassanersut, ataatsimiititaliap siulittaasuanut, ataatsimiititalianilu ilaasortanut ataasiakkaanut ingerlatinnagit?*

#### **AKISSUT:**

Naalakkersuisut Inatsisartunut ilaasortanut pisinnaatitaaffeqanngillat. Taamaasillutik Naalakkersuisut tamanna pillugu saaffissaanngillat eqqortut.

*3. Naalakkersuisut Siulittaasuata isumaqarpa, pisariaqartoq maleruagassanik aaliangersaasoqarnissaanik, imaluunniit maleruagassanik pioreersunik sukaterisoqassanersoq, Naalakkersuisunut ilaasortat susassaqaarfimminni SMS-ikkut inuit oqallittarfiini saqqummiussat nalunaarsorneqalernissaannut?*

**AKISSUT:**

Ingerlatsivimmi ileqqorissaarnissaq naapertorlugu oqartussap allakkat isertut aamma anisut ingerlatsivimmilu suliassamut pingaaruteqartut journalimut allattussaavai. Tamanna Naalackersuisunut ilaasortat ingerlatsivimmi suliassanik suliarinninneranni aamma atuuppoq. Journalimi allattuisussaataanermi attaveqaqatigiinneq allakkatigut nalinginnaasukkut, e-mailikkut, SMS-ikkut imaluunniit Messenger-ikkut pisimansoq immikkoortinneqanngilaq.

Naalackersuisut Siulittaasuata Naalackersuisut Siulittaasuata Naalackersuisoqarfia peqquaa Naalackersuisoqarfinni pisortaanernut tamaginnut nalunaarummik nassiusseqqullugu, tassani eqqaasitsissutigineqassalluni journalimi allattuisussaataanermi attaveqaqatigiinneq allakkatigut nalinginnaasutigut, e-mailikkut, SMS-ikkut imaluunniit Messenger-ikkut pisimansoq immikkoortinneqanngitsaq.

Inussiarnersumik inuulluaqqusillunga



**Múte Bourup Egede**  
Naalackersuisut Siulittaasuata